



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU REGIONALNOG DEMOKRATSKOG SAVEZA TUZLA

Broj: 03-07-6-272/18
Sarajevo, 29.05.2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Regionalnog demokratskog saveza Tuzla za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2017. godine, utvrđeno je da je Regionalni demokratski savez Tuzla prekršio odredbe člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Regionalnog demokratskog saveza Tuzla za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Regionalni demokratski savez Tuzla se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.404,00	87,53
7.	Prihodi iz budžeta (3-f)	200,00	12,47
8.	Prihodi od propagande (3-g)	0,00	0,00
I	Ukupni prihodi (1-8)	1.604,00	100,00
II	Ostali prihodi i drugo	0,00	0,00
	Izvori finansiranja (I+II)	1.604,00	100,00

U godišnjem finansijskom izvještaju za 2017. godinu Regionalni demokratski savez Tuzla iskazao je rashode u iznosu od 2.310,70 KM.

2. PREDSTAVLJANJE POLITIČKE STRANKE

Naziv političke stranke: Regionalni demokratski savez Tuzla. Skraćeni naziv stranke: RDS Tuzla. Regionalni demokratski savez Tuzla je registrovan kod Općinskog suda u Tuzli Rješenjem broj: 032-0-Reg-13-001757 od 18.11.2013. godine.

Sjedište političke stranke je u Tuzli, ulica Druge Tuzlanske brigade br. 40.

Lice ovlašteno za zastupanje je Alija Azabagić, predsjednik stranke i Salih Šabović, zamjenik predsjednika.

Lice ovlašteno za podnošenje finansijskih izvještaja za 2017. godinu je Mirsad Karamehić.

Prema podacima iz godišnjeg finansijskog izvještaja za 2017. godinu organizacionu strukturu Regionalnog demokratskog saveza čine:

- Glavni odbor,
- Predsjedništvo stranke,
- Kantonalni odbor Tuzlanskog kantona,
- Općinski odbor Tuzla i
- Općinski odbor Gradačac.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Regionalnog demokratskog saveza Tuzla za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Regionalnog demokratskog saveza Tuzla obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja Regionalnog demokratskog saveza Tuzla od 2014. do 2016. godine, nakon kojih su izdati izvještaji o pregledu sa mišljenjem revizora i nalazima revizije.

Nakon izvršenog pregleda finansijskog izvještaja za 2016. godinu, izdat je izvještaj o pregledu sa mišljenjem revizora, nalazima i preporukama stranci da godišnje finansijske izvještaje podnosi u elektronskoj formi putem aplikacije „FI CIK BiH“, da poslovne knjige vodi u skladu sa računovodstvenim propisima, da uspostavi potpune i tačne evidencije o svojim rashodima, da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima i popunjava u skladu sa Pravilnikom o godišnjim finansijskim izvještajima političkih stranaka i da dostavlja i drugu dokumentaciju koju od nje zatraži Centralna izborna komisija BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Regionalni demokratski savez Tuzla nije ispoštovao sve date preporuke.

5. NALAZI I PREPORUKE

5.1. NALAZI

Regionalni demokratski savez Tuzla prekršio je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja za 2016. godinu, utvrđeno je da stranka finansijski izvještaj nije podnijela na način, kako je propisala Centralna izborna komisija BiH, nije uspostavila tačnu evidenciju o svojim prihodima i godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. stav (1), člana 12. stav (1) i stav (4) Zakona o finansiranju političkih stranaka.

(1) Regionalni demokratski savez Tuzla nije obrasce godišnjeg finansijskog izvještaja za 2017. godinu dostavio odštampane u PDF formatu, čime je prekršio odredbe člana 12. stav (4) Zakona o finansiranju političkih stranaka i odredbe člana 5. stav (4) Pravilnika.

Politička stranka je bila dužna da godišnji finansijski izvještaj za 2017. godinu, koji je 30.03.2018. godine podnijela u elektronskoj formi, putem Aplikacije „FI CIK BiH“, da Centralnoj izbornoj komisiji BiH dostavi potvrdu o podnešenom godišnjem finansijskom izvještaju u elektronskoj

formi i da dostavi obrasce finansijskog izvještaja, odštampane iz Aplikacije u PDF formatu, ovjerene potpisom ovlaštenog lica i pečatom političke stranke.

- (2) Stranka na obrascu 2 (pregled prometa svih transakcionih računa) nije iskazala tačno početno stanje i tačan promet izlaza na transakcionom računu broj: 1321902016928723 kod NLB banke za općinski odbor stranke u Gradačcu, čime je prekršila odredbe člana 11. Pravilnika.
Stranka je na obrascu 2 iskazala početno stanje u iznosu od 546,83 KM i promet izlaza u iznosu od 541,00 KM. Kontrolom prometa izvoda sa transakcijskog računa, utvrđeno je da je početno stanje iznosilo 339,83 KM i promet izlaza u iznosu od 334,00 KM.
- (3) Pregledom godišnjeg finansijskog izvještaja, utvrđeno je da stranka na obrascu 3 (izvori finansiranja) i na obrascu 3-f (prihodi iz budžeta) iskazala prihod iz budžeta u iznosu od 200,00 KM, a kao nivo vlasti od koga je ostvarila prihod, navela je Ministarstvo finansija i trezora BiH, čime je prekršila odredbe člana 12. stav (1) i (4) Zakona o finansiranju političkih stranaka i odredbe člana 13. i 19. Pravilnika..

Kontrolom prometa izvoda transakcionog računa broj: 1543602004946577 otvorenog kod Intesa Sanpaolo banke d.d-Filijala Tuzla, utvrđeno je da je Ministarstvo finansija i trezora BiH uplatilo stranci sredstva u iznosu od 200,00 KM¹, na osnovu Odluke Centralne izborne komisije BiH, kojom je izvršen povrat uplaćene takse za ovjeru političke stranke za učešće na Lokalnim izborima 2016. godine.

Stranka je u poslovnim knjigama, kao i u finansijskom izvještaju, iskazala povrat vlastitih sredstava kao prihod, čime je prekršila odredbe člana 11. stav (1) Zakona o finansiranju političkih stranaka.

- (4) Regionalni demokratski savez Tuzla je na obrascu 5 (obaveze političke stranke) finansijskog izvještaja iskazao ostale obaveze političke stranke u iznosu od 3.818,83 KM. Uvidom u obrazac 5.2 (ostale obaveze), utvrđeno je da stranka nije navela obaveze prema svakom dobavljaču pojedinačno, kako je propisano Pravilnikom, već je zbirno iskazala obaveze prema svim dobavljačima. Na zahtjev Službe za reviziju, da dostavi podatke o svojim obavezama, stranka je dostavila analitičke kartice svih dobavljača, na osnovu kojih je utvrđeno da je stranka iskazala tačan iznos obaveza, ali obrazac 5 finansijskog izvještaja nije popunila u skladu sa odredbama člana 24. Pravilnika.

5.2. PREPORUKE

Preporučuje se Regionalnom demokratskom savezu Tuzla da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje podnosi na načina kako je propisala Centralna izborna komisija BiH,*
- *da uspostavi potpune i tačne evidencije o svojim prihodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Regionalni demokratski savez Tuzla nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Nevenko Andan

Šef Službe za reviziju

Mr. sc. Hasida Gušić

¹ Izvod broj 1 Intesa Sanpaolo banka d.d –Filijala Tuzla od 06.01.2017. godine.